

مقتطف من كتاب: " بعض معالم العلاج النفسى من خلال الإشراف عليه " الحالة: (21) " عن حركة الطبيعة البشرية، وجرعات تنظيمها"

نشرة "الإنسان" 2021/07/21

السنة الرابعة عشرة - العدد: 5072



yehiatrakhawy@hotmail.com

بروفيسور يحيى الرخاوى - الطب النفسى، مصر

تذكرة:

نشر اليوم، وكل أربعا، - كما ذكرنا - عملاً أقل تنظيراً وأكثر ارتباطاً بالممارسة الكلينيكية العملية وخاصة فيما هو "العلاج النفسى"، فنواصل نشر الحالة (21) من الكتاب الثانى من سلسلة الكتب الخمس التي صدرت بعنوان " بعض معالم العلاج النفسى من خلال الإشراف عليه"، ولا يحتاج الأمر إلى التنويه إلى أن أسماء المتعالجين ليست هي الأسماء الحقيقية، وأنا حورنا أى معالم قد تدل على صاحبها احتراماً لحقوقه وشكراً لكرمه بهذا السماح بما يفيد من قد يمر في مثل محنته، أو خبرته أو علاجه!

جزى الله الجميع عنا خيراً

الحالة: (21)

عن حركة الطبيعة البشرية،

وجرعات تنظيمها

د. أحمد على: ممكن أعمل تحديث لحالة كنت اتكلمت عليها هنا مرتين.

د. يحيى: طبعاً، هو إحنا لينا شغلة غير كده! بس تفكرنا بيها الأول.

د. أحمد على: هى بنت، حضرتك محلها لى عندها 26 سنة، هى مساعد باحث، ووالدها مهنى

أكاديمى عالم، أختها الصغيرة لسه فى ثانوية عامة وأمها قاعدة فى البيت. كانت مرت بصدمة كدا، زى خبرة وعدت، مع خطيب، ماکملتشى معاه، بس زى ما تكون اكتشفت من خلال الخبرة دى إنها عندها برود، لقت نفسها مش قادرة تتجاوب مع خطيبها، مع إنها سابت نفسها ليه، بس مش سيبان كامل، وبعدين لما اكتشفت مشاعرها دى، حست إن مستقبلها حا يبقى صعب جداً مع الرجالة، إزاي حانتخط فى حاجه زى كده وهى كده، المهم ما حصلشى نصيب إنها تكمل الخطوبة، وبعدين دخلت بعدها بمدة مش طويلة فى مرحلة ثانية وبدأ يجيلها تخيلات (فانتازى) على واحدة صاحبته، وحست ياستثارة جنسية ناحية صاحبته دى، وقعدت الحكاية مدة لحد ماراحت إجازة طويلة شوية من الشغل، الحكاية خفت.

د. يحيى: أظن أنا فاكر الحالة دى شوية، فيه حاجة ثانية ظهرت؟

د. أحمد على: أيوه، كان موازى للحكاية دى إنها تقضى وقت كبير قدام الكمبيوتر، مش بنتفرج على

حاجات مش هية، لكن كانت الحكاية دى بتسليها بس بتأخذ وقت جامد، المهم هى انتظمت فى العلاج، وده خلاها تنتظم فى شغلها وماشى الحال، وزاد تقدير الناس لشغلها.

د. يحيى: فين المشكلة الجديدة اللي انت عايز تتكلم فيها دلوقتى بقى؟

د. أحمد على: هى كانت راحت مصيف مع أهلها فى اسكندرية ورجعت فيها نقلة كويسة، أنا متصور

هى بنت، حضرتك محلها لى عندها 26 سنة، هى مساعد باحث، ووالدها مهنى أكاديمى عالم

مرت بصدمة كدا، زى خبرة وعدت، مع خطيب، ماکملتشى معاه، بس زى ما تكون اكتشفت من خلال الخبرة دى إنها عندها برود، لقت نفسها مش قادرة تتجاوب مع خطيبها

بعدين دخلت بعدها بمدة مش طويلة فى مرحلة ثانية وبدأ يجيلها تخيلات (فانتازى) على واحدة صاحبته، وحست ياستثارة جنسية ناحية صاحبته دى

إنها تقضى وقت كبير قدام الكمبيوتر، مش بنتفرج على حاجات مش هية، لكن كانت الحكاية دى بتسليها بس بتأخذ وقت جامد

السؤال هو: هل أرق في اتجاه
إنها تقبل اللي بيتقدمولها
برغم شعورها ده؟ يعنى هل
الوقت مناسب؟

ما تظلمشى نفسك، إحنا مش
بنتفرج على عيائنا، إنت عايز
تعرفه هى وصلت لحد فين
بعد الخبرة اللي شككثها فى
نفسها، فعوضتها بالفانتازيا
اللى حكيت لنا عنها، وده
حقك، لأ دا مش بس حقك دا
واجبك

إن البنيت لما بتوصل يعنى 29
سنة بيبقى دخلنا منطقة الحرج،
فيه حرج داخلي عادة البنيت
ما بتعترفشى بيه، وفيه حرج
خارجي اجتماعي ممكن الأهل
يقلقوا من ناحيتها

يبقى الزقة من حيث المبدأ
مشروعة، لأنك جزء من هذا
المجتمع المحافظ ده بطريقته،
وإنت عارفة اللي بنكرره
دايما إن الطبيب والد، بيبقى
الزق مشروع، إنما الاستعجال
مش مشروع

الرغبة الجنسية المثلية، ولو
على مستوى الخيال، يمكن
تشير إن البنيت أصبح عندها
شك فى قدرتها عمل علاقة
حقيقية مسئولة مع الرجل، أى
رجل

كده، مثلا بتقول لى إنها حاسة بلذة جامدة فى الشغل، وإنها حست إن الحياة متغيرة.

د. يحيى: طيب ما هو دا تمام التمام، فيه إيه بقى؟ إنت بتشوفها بفالك قد إيه؟

د. أحمد على: حوالى سنة دلوقتى.

د. يحيى: برافو عليك، مش ده تغيير نوعى إيجابى، هو مين بيحس بلذة فى الشغل اليومين دول؟

د. أحمد على: أنا مش مستريح قوى، يعنى فيه حاجات كثيرة هى مفتقداها لسه، صحيح هى عمالة

تشتغل أحسن وبتجيب الشغل فى البيت وبتحس وهى بتتجز إنها مبسولة، فأنا بصراحة سألتها عن

القديم، وبالذات عن حنة التخيلات إياها دى، فهى بتقول لى بقالى فترة من ساعة النقلة دى مافيش

الحركة اللي كانت جواها ناحية البنيت دى أو أى بنت تانية وكده، يعنى وقفت خالص، بس فى نفس

الوقت ما فيش قبول بالنسبة للخطاب اللي ممكن يجولها، عندها لسه قلق وخايفة بدرجة شاغلانى.

د. يحيى: الحمد لله...،... السؤال بقى فين السؤال؟

د. أحمد على: أنا بأعمل تحديث للحالة أولاً، للزملاء ولحضرتك، يعنى بالخص المشوار بتاع البنيت

والمسيرة بتاعتها ماشية إزاي، وبانقل لحضرتك دلوقتى إنى أنا عندى خوف، والسؤال هو: هل أرق فى

اتجاه إنها تقبل اللي بيتقدمولها برغم شعورها ده؟ يعنى هل الوقت مناسب؟ أنا حاسس طول الوقت إنى

عاوز أرق بشكل سريع، عشان بيبقى فيه حد فى حياتها، ونشوف الدنيا حا تمشى إزاي، يعنى بصراحة

فضولى إنى أنا أشوف رد فعلها بيبقى إيه؟ فهل أكمل فى الزق؟ ولا أعمل إيه؟

د. يحيى: برضه أنا بافتكر الحالة أكثر وأكثر، وبصراحة أنا عايز أحترم فيك رؤيتك لنفسك، وبالذات

لحكاية الفضول دى، هوه مش فضول قوى، ما تظلمشى نفسك، إحنا مش بنتفرج على عيائنا، إنت

عايز تعرف هى وصلت لحد فين بعد الخبرة اللي شككثها فى نفسها، فعوضتها بالفانتازيا اللي حكيت لنا

عنها، وده حقك، لأ دا مش بس حقك دا واجبك، خصوصاً بعد حكاية اللذة فى الشغل، لحسن يكون

الشغل هوا راخر تعويض على حساب تنمية مسئوليتها نحو علاقة بشرية طبيعية حقيقية.

د. أحمد على: بصراحة أيوه، يعنى أنا عندى إهتمام أعرف هى النقلة الإيجابية فى الشغل اللي بقت

تلاقى فيه نفسها ولذة وكلام من ده، هى دى بديل، ولا نقلة تطور حقيقى؟

د. يحيى: عندك حق، خصوصاً إن دى مشكلة عامة شوية فى مجتمعنا بفرصه المحدودة، زى ما قلنا

البنيت لما بتوصل 29 يبقى فى حرج من كذا ناحية.

د. أحمد على: هى عندها 26 سنة بس.

د. يحيى: ما أنا عارف، أنا باقولك زى ما باقول دايماً، إن البنيت لما بتوصل يعنى 29 سنة بيبقى

دخلنا منطقة الحرج، فيه حرج داخلي عادة البنيت ما بتعترفشى بيه، وفيه حرج خارجي اجتماعي ممكن

الأهل يقلقوا من ناحيتها، ولا ده عيب ولا ده غلط، يبقى الزقة من حيث المبدأ مشروعة، لأنك جزء من

هذا المجتمع المحافظ ده بطريقته، وإنت عارف اللي بنكرره دايماً إن الطبيب والد، بيبقى الزق مشروع،

إنما الاستعجال مش مشروع، إنت قدمت لنا الحالة دى قبل كده، قلت لك إنى أنا فاكرها، وتحديث

الاستشارة حسب تطور الحالة جزء مهم جداً فى الإشراف وفى العلاج، حتى لو حانعيد الكلام، إنت فاكر

اللى بنكرره عمال على بطل إن العلاج النفسى "وقت" و"توقيت"،⁽²⁾ وفى الحالة دى فيه، برغم التقدم

الواضح فى مسيرة العلاج، فيه ما يستدعى نظرة أعمق وإعادة حسابات بحرص جيد، عندك هنا الرغبة

الجنسية المثلية، ولو على مستوى الخيال، يمكن تشير إن البنيت أصبح عندها شك فى قدرتها عمل علاقة

حقيقية مسئولة مع الرجل، أى رجل، خصوصاً بعد مسألة البرود، اللي مرت فيها البنية دى مع خطيبتها

فى الخطوبة اللي اتفركشت، النقلات هنا مهمة: من خطوبة، لخيبالات مثلية، للذة فى العمل، مع استمرار

علاقة علاجية لمدة سنة بانتظام، أظن إنت فى وقفة مهمّة، وفى وقت مناسب إنك تعمل حاجة، ويمكن

ده اللي بتسميه "زق"، وبتشك فى نفسك وخايف تبقى فرجة أو حب استطلاع، ولا هوا حب استطلاع ولا

حاجة، دى مسئولية طبيب أب معالج يا أخی.

إنت عملت عمل جيد، بس زى ما تكون هى سحبك بعيد عن حقها فى مشاعر زى ما ربنا خلقها،

النتائج هنا مهمة: من خطوبة، لخياالات مثلية، للذة في العمل، مع استمرار علاقة علاجية لمدة سنة بانتظام

هل هي قبلت نفسها كأثني لها رغبة جنسية رغم خبرة البرود الباكورة، ولا، ثم إن البرود نفسه ممكن يكون إشارة إلى قوة حركية الجنس في داخلها بما يحتاج معاه إلى "لأه" جامدة منها تظهر على شكل برود.

تجتمع الأبوة، مع المجتمع، مع التقاليد، كل ده هو اللي بيترقبك مش إنك اللي بتترقبها عشان تتفرج، يا شيخ حرام تظلم نفسك

سواء إنك أو حساباتك اللي جوازك عمالة توزن أبوتك المهنية، ومشاعرك الإنسانية، والمجتمع والتقاليد والوقت في ناحيه، وعمالة تحسب نضج البنيت وجدعتها ورؤيتها والتزامها الناحية الثانية.

إنك مش مستنى ولا حاجة، أنا رأيي إنك تهدي اللعب شوية ضد خوفك الداخلي عليها، وضد حماسك الأبوي، واللى يطمنك هوا انتظامها، وشغلها، واختفاء الخياالات إياها، ولو ظاهريا، أظن دي كلها حاجات إيجابية، ولا إيه؟

يعنى سحبتك بعيد عن الجنس، وعن حقها في إطلاق سراح مشاعرها الطبيعية في الاتجاه الطبيعي، سواء بخيالاتها المثلية أو بنجاحاتها في الشغل، فإنت حسيت بده، وعايز ترزقها يمكن الناحية الثانية قيل ما تشوف عمق المسألة، هل هي قبلت نفسها كأثني لها رغبة جنسية رغم خبرة البرود الباكورة، ولا، ثم إن البرود نفسه ممكن يكون إشارة إلى قوة حركية الجنس في داخلها بما يحتاج معاه إلى "لأه" جامدة منها تظهر على شكل برود.

إنت عملت عمل جيد إنك نجحت تحافظ على علاقة علاجية بناءة، من غير ما تتوقفوا كثير عند حكاية "الطرح" (3) "وإنها تتعلق بيك بديل عن خيالاتها، وعن تصور برودها، الانتظام هنا في العلاج مع التغيير الطيب ده، حتى لو كان مجرد غطاء مرحلي، ده كله بفضل العلاج الجاد فعلا. يبقى من حقاك بعد سنة تقول أن الأوان نخطى خطوة أوسع نحو الواقع، فتجيبك رغبة إنك ترزقها ناحية قبول علاقة مع رجل بيتقدم لها، أو بيتعرف عليها كخطوة أولى، ده نوع من اختبار لمستوى تاني وصل إليه العلاج، وده أوانه حسب المعلومات اللي انت قلتها، بس هو برضه مسئولية زى أى مسئولية أب ناصح حريص على بنته، وفي نفس الوقت بيحترم لغتها، وبيعاش مراحل تغييرها أول بأول، سنة علاج منتظم ده وقت مش قليل في السن دي، وإنك جواك بيحسبها يمكن غصبن عنك هنا بقى، تجتمع الأبوة، مع المجتمع، مع التقاليد، كل ده هو اللي بيترقبك مش إنك اللي بتترقبها عشان تتفرج، يا شيخ حرام تظلم نفسك. في نفس الوقت ما تخافشى من الكلام اللي أنا قلته دلوقتي عن سن 29 اللي بعده بسنتين تلاقى البنيت نفسها في العقد الرابع، الحمد لله ما حدش بياخد باله إن 31 سنة هي بداية العقد الرابع، إنما رابع إيه وخامس إيه، لازم وإحنا بنزق نبقي مطمئنين في نفس الوقت إن الفرص موجودة في أى وقت، والبنات في مصر دلوقتي بقوا مريحين، أنا مش عارف ليه، دايمًا بيقولوا إن فيه احتمالات أفضل، منين؟ ما اعرفشى، بس لازم نحترم التغيرات اللي جارية في المجتمع، الحسبة صعبة، بس حانعمل إيه.

د. أحمد على: يعنى أعمل إيه؟

د. يحيى: الله!! ما انت عملت وبتعمل، إنت عايز تعمل إيه أكثر من كده؟ سواء إنت أو حساباتك اللي جواك عمالة توزن أبوتك المهنية، ومشاعرك الإنسانية، والمجتمع والتقاليد والوقت في ناحيه، وعمالة تحسب نضج البنيت وجدعتها ورؤيتها والتزامها الناحية الثانية.

د. أحمد على: يعنى أستنى كده لحد إمتى؟

د. يحيى: لأ بقى، إنت مش مستنى ولا حاجة، أنا رأيي إنك تهدي اللعب شوية ضد خوفك الداخلي عليها، وضد حماسك الأبوي، واللى يطمنك هوا انتظامها، وشغلها، واختفاء الخيالات إياها، ولو ظاهريا، أظن دي كلها حاجات إيجابية، ولا إيه؟

د. أحمد على: بس أنا قلقان برضه من حكاية ميولها الجنسية المثلية دي.

د. يحيى: أولاً إقلق زى ما انت عايز، لكن يا أخى مش يمكن يكون ده دليل على إن الكبت عندها ما عادشى بالعنف اللي جعلها بارده في الأول، خصوصا إن الميول دي مجرد ميول، لم تختبر في أى تفعيل، ثم يا أخى مش إحنا متفقين إننا ما نتحمشى قوى للاستقطاب الجنسي ده: إما .. أو، وإننا نقبل الطبيعة البشرية بكل تاريخها، وبعدين نحاول ننظمها من خلال السماح والدعم والانضباط بالتدرج واحدة واحدة، مسألة الميول الجنسية المثلية مش ضرورى تبقى جنسية حاف كده، يمكن هي شكل من أشكال التعبير عن الحاجة إلى "موضوع"، إلى "آخر"، وما تتساش إن الخبرة الأولانية كان فيها إحباط وكلام من ده، مش يمكن الخيال قال لها تجرب نفسها الناحية الثانية، يبقى الحركة مطلوبة حتى لو كان الموضوع - مؤقتا - مش هو.

د. أحمد على: يعنى إيه؟

د. يحيى: مش عارف أقول لك إيه تاني، المهم إنت ماشى صح والسلام، ما هو إحنا لازم نقبل الطبيعة كلها على بعضها، وبعدين ننظمها ما أمكن واحده واحده، يعنى مثلا زى ما قلنا قبل كده: إنت تحب كل الناس، كل النساء، وبعدين تحب واحدة بالنيابة عن كل الحريم بالأصالة عن نفسها وبالنيابة

عن كل النساء، شىء شديد الصعوبة، وغير مقبول إعلانه على مستوى الواقع، تصور كده لو بتقول لواحدة، "أنا باحبك بالاصاله عن نفسك وبالنيابة عن بقية نساء العالم"، فى الغالب حاتقلع اللى فى رجليها وتوضبك، بس نعمل إيه الصح صح، وأدى إحنا بنتعلم، وإذا فيه تحديث تانى وتالت، ورابع، أدى إحنا موجودين، حانروح فين؟

د. أحمد على: ربنا يسهل.

التعقيب والحوار:

أ. عماد فتحى:

عندى تساؤل أو استفسار: كيف يكون البرود إشارة إلى قوة حركية الجنس بما يحتاج معه إلى "لأه" تظهر فى شكل البرود؟

د. يحيى:

يا أخى كلما زاد داخل الداخل نشاطا أصبح أكثر تهديدا باحتمال الانطلاق بلا تنظيم أو تحفظ أو مسئولية، من هنا يحتاج الأمر إلى ميكانيزمات إنكارية وقامعة التى يمكن أن تصل إلى البرود، هذا هو الكبت.

د. محمد الشاذلى:

وصلنى أن الأزمة من البداية هى فى العلاقة بأخر، الإحباط الأول فى العلاقة بذكر، والتهديد أو الخوف بفشل متكرر فى أية علاقة فى المستقبل، ثم الخيالات ناحية أنثى (ربما لكونها أكثر أمأنا لعدم إمكانية الاختبار والتجريب) ثم النجاح والتحقق الوظيفى (لا أدري هل كان بديلاً أم مؤشراً للنجاح فى تخطيها أزمة العلاقة؟!)

أظن أن الدفع فى إتجاه الزواج هو محاوله استكشافيه لاختبار ما وصلت إليه حقاً وقد يساعد أكثر فى ضبط جرعة المحاولة والتحرك.

د. يحيى:

أوافقك من حيث المبدأ،

وكل الاحتمالات واردة

أ. محمد إسماعيل:

مش فاهم الطبيعة البشرية يعنى إيه؟ ولا قصدك إيه من الكلمة دى.

د. يحيى:

الطبيعة البشرية هى الطبيعة البشرية، وكل النظريات والفلسفات والأديان إنما تبحث فيها، وتحاول تحديد بعض معالمها ونحن عندنا فرصة للمشاركة فى ذلك، نتعلم من مرضأنا جوهر وجودنا مما يلحق بنا من تشويه نشاط كل من الجنس والعدوان والإيمان كل على حدة، ثم نتعلم معهم كيف تقبل كل هذا دون تشويه فى تصرف نمائى، آسف،

على أية حال الطبيعة البشرية هى ليست قضية مسلمة يمكن تعريفها فى كلمات، وعموما ولو مؤقتا هى الطبيعة بكل تاريخها الحيوى والحيوانى حتى مرحلة الإنسان فى نبض متصل، أنا آسف أنا صعبتها لكن لعلها تفتح لك الطريق.

أ. محمد إسماعيل:

إذن فأنا كمعالج لى حقى فى الفضول، على شرط مايعنيش فرجه وخلص.

د. يحيى:

صحيح، لكن لا تنس صعوبة التفرقة بين الفضول والفرجه.

أ. عبده السيد:

—أريد توضيحا لكل ممايلى:

يا أخى مش يمكن يكون ده دليل على إن الكبت عندها ما محادشى بالعنقه اللى جعلها بارده هى الأول، خصوصا إن الميول دى مجرد ميول. لو تُختبر هى أى تفعيل

إننا نقبل الطبيعة البشرية بكل تاريخها، وبعدين نحاول ننظمها من خلال السماع والدعم والانضباط بالتدريب واحدة واحدة

مسألة الميول الجنسية المثلية مش ضرورى تبقى جنسية حافه كده، يمكن هى شكل من أشكال التعبير عن الحاجة إلى "موضوع"، إلى "آخر

ما هو إحنا لازم نقبل الطبيعة كلها على بعضها، وبعدين ننظمها ما أمكن واحده واحده

مثلا زى ما قلنا قبل كده: إننا تحب كل الناس، كل النساء، وبعدين تحب واحدة بالنيابة عن كل العريم بالأصالة عن نفسها وبالنيابة عن كل النساء،

عندى تساؤل أو استفسار: كيف يكون البرود إشارة إلى قوة حركية الجنس بما يحتاج معه إلى "لأه" تظهر فى شكل البرود؟

كلما زاد داخل الداخل نشاطا

-إن البرود نفسه يكون إشارة إلى قوة حركية الجنس في داخلها بما يحتاج معه إلى "لأه" جامده تظهر على شكل برود.

د. يحيى:

أنظر ردّي حالا على الابن عماد فتحي.

أ. عبده السيد:

-إن الجنسية المثلية مش ضروري تبقى جنسية حاف كده ممكن تكون شكل من أشكال التعبير عن الحاجة إلى موضوع، إلى آخر.

د. يحيى:

أنظر رأي د. محمد الشاذلي في بداية الحوار وأيضا ردّي على محمد اسماعيل.

أ. محمد المهدي:

-يجب تقييم النقالات التي قد تبين إيجابية ما يقوم به المريض خلال مراحل العلاج ووضعها وتقييمها في إطار المسار التطوري للحالة، ذلك أن بعض النقالات التي قد تبدو إيجابية في ظاهرها قد تكون بديلاً عن التطور الحقيقي.

د. يحيى:

هذا صحيح، وهو ظاهر في هذه الحالة بشكل رائع (أرجوك لا تصعبها علينا بالكلام الصعب كما أفعل أنا أحياناً).

أ. إيمان عبد اللطيف:

برجاء توضيح كيف أن البرود ممكن يكون إشاره إلى قوة حركية الجنس في داخلها بما يحتاج معاه إلى "لأه" جامدة تظهر على شكل برود.

د. يحيى:

برجاء أن تنظري ردّي على الابن عماد فتحي.

أ. إيمان عبد اللطيف:

هل معنى ذلك أن الشغل ممكن يكون تعويض على حساب تنمية المسؤولية نحو علاقة حقيقية، وأن الميول الجنسية ممكن تكون شكل من أشكال التعبير عن الحاجة إلى موضوع أو آخر؟

د. يحيى:

نعم، وليس المطلوب رفض ذلك، نحن نقبل كل المراحل، طالما هي مراحل، وخاصة بعد التذكرة أنها قابلة للاستعادة، ومن ثم إلى مواصلة النضج والتصحيح..

أ. إيمان عبد اللطيف:

ربما يكون نجاحها في الشغل واهتمامها به بديلا عن الفانتازيا وعن علاقة بآخر مع احتمال أن يكون ذلك إيجابياً أو خطوة نحو الإيجابية.

د. يحيى:

هذا وارد أيضا، وقد سبقت مناقشته حالا.

أ. هالة نمّ:

"أتوقع إن رينا ح يفرجها بالكبت اللي خفّ عنفه رغم التوحيد، واللذة المتحركة واللى ممكن نغمّ. الإشارة إلى أن البرود نفسه ممكن يكون إشارة إلى قوة حركية الجنس في داخلها مما يحتاج معاه إلى "لأه" جامدة تظهر على شكل برود."

كل ده خلّنى أنتبه إلى أن الخيالات والمشاعر والممارسة المثلية (في بعض أحوالها) ممكن تكون إشارة إلى الحاجة العارمة للجنس الآخر (في حالة اقتران ذلك بظروف نفسية واجتماعية غير داعمة للاتجاه الطبيعي) بما يحتاج معاه أيضا إلى "لأه/ توحيدة" جامدة (ولو مؤقتة)

د. يحيى:

أصبح أكثر تهديداً باحتمال الانطلاق بلا تنظيم أو تحفظ أو مسؤولية، من هنا يحتاج الأمر إلى ميكانيزمات إنكارية وقامعة التي يمكن أن تصل إلى البرود، هذا هو الصعب.

الطبيعة البشرية هي الطبيعة البشرية، وكل النظريات والفلسفات والأديان إنما تبحث فيها، وتحاول تحديد بعض معالمها ونحن عندنا فرصة للمشاركة في ذلك

نتعلم من مرضأنا جوهر وجودنا مما يلحق بنا من تشويه نشاط كل من الجنس والعدوان والإيمان كل على حدة، ثم نتعلم معهم كيفية تقبل كل هذا دون تشويه في تضرر نمائى

الطبيعة البشرية هي ليست قضية مسلمة يمكن تعريفها في كلمات، وعموما ولو مؤقتا هي الطبيعة بكل تاريخها الحيوى والحيوانى حتى مرحلة الإنسان في نبض متصل

إن الجنسية المثلية مش ضروري تبقى جنسية حاف كده ممكن تكون شكل من أشكال التعبير عن الحاجة إلى موضوع، إلى آخر

ربما يكون نجاحها في الشغل واهتمامها به بديلا عن الفانتازيا وعن علاقة بآخر مع

احتمال أن يكون ذلك إيجابياً
أو خطوة نحو الإيجابية

عليك نور.

د. أسامة عرفة:

انطباعي عن الحالة فيما يخص أخبيلات المثلية انها إما مرحلة تثبيت، والمريضة تحاول النمو لمابعدھا (اختبار العلاقة المجهضة) أو محطة نكوص بعد خيرة الغيرية المحبطة أو المتجمدة، هذه الفتاة مازالت تتحرك على فرض أن النكوص للمثلية هدأة مؤقتة لاعادة اختبار الغيرية.. هنا يكون دور المعالج مهما ودقيقا في عدم الاستعجال. وبلاش حكاية الزق.

عليه أن يقبل مرحلتها، وأن يصبر، ويواكب.

وموافق تماما على تقليص الدور الأبوي تدريجيا جازر تعرف تعدى من خلال ذلك.

د. يحيى:

لم أعد يا أسامة استعمل هذه اللغة كثيرا "التثبيت" - النكوص للمثلية مثلا-، مع أنني لا أرفضها تماما، أظن أنني أسميها بأسماء أخرى. شكراً لمداخلتك، وهي في اتجاه صحيح بشكل عام.

- [1] يحيى الرخاوى: "كتاب: بعض معالم العلاج النفسى من خلال الإشراف عليه، " منشورات جمعية الطب النفسى التطورى (2018)، والكتاب موجود فى مكتبة الأنجلو المصرية وفى منفذ مستشفى دار المقطم للصحّة النفسية شارع 10، وفى مؤسسة الرخاوى للتدريب والأبحاث: 24 شارع 18 من شارع 9 مدينة المقطم، كما يوجد أيضا حاليا بموقع المؤلف، وهذا هو الرابط www.rakhawy.net

[2] - Time and Timing

[3] - Transference.

هذه الفتاة مازالت تتحرك على
فرض أن النكوص للمثلية
هدأة مؤقتة لاعادة اختبار
الغيرية ..
هنا يكون دور المعالج مهما
ودقيقا في عدم الاستعجال

إرتباط كامل النص مع المقتطفات

<http://www.arabpsynet.com/Rakhawy/RakD210721.pdf>

إرتباط كامل النص

<https://rakhawy.net/%d9%85%d9%82%d8%aa%d8%b7%d9%81-%d9%85%d9%86-%d9%83%d8%aa%d8%a7%d8%a8-%d8%a8%d8%b9%d8%b6-%d9%85%d8%b9%d8%a7%d9%84%d9%85-%d8%a7%d9%84%d8%b9%d9%84%d8%a7%d8%ac-%d8%a7%d9%84%d9%86%d9%81%d8%b3-15/>

روابط ذات صلة

شبكة العلوم النفسية العربية

نحو تعاون عربي رقبيا بعلوم وطب النفس

الموقع العلمي

<http://www.arabpsynet.com/>

المتجر الإلكتروني

<http://www.arabpsynet.com>

*** **

الكتاب السنوي 2021 لـ " شبكة العلوم النفسية العربية " (الاصدار العاشر)

الشبكة تدخل عامها 21 من التأسيس و 19 على الوجود

21 عاما من الضج... 19 عاما من الإنجازات

<http://www.arabpsynet.com/Documents/eBArabpsynet.pdf>